

Na osnovu člana 7 stav 8 Zakona o veterinarstvu ("Službeni list RCG", br. 11/04 i 27/07), Ministarstvo poljoprivrede, šumarstva i vodoprivrede donijelo je

Pravilnik o klasifikaciji bolesti životinja, načinu prijavljivanja i obavještanja o zaraznim bolestima životinja

Pravilnik je objavljen u "Službenom listu CG", br. 5/2008 od 23.1.2008. godine.

Predmet pravilnika

Član 1

Ovim pravilnikom propisuje se klasifikacija zaraznih bolesti životinja, način prijave i obavještanja o sumnji na zaraznu bolest životinja, pojavi zarazne bolesti životinja i odjavi zarazne bolesti životinja.

Klasifikacija zaraznih bolesti životinja

Član 2

Bolesti životinja klasifikuju se na bolesti koje podliježu obavezi prijavljivanja i ostale bolesti.

Bolesti koje podliježu obavezi prijavljivanja klasifikuju se u naročito opasne zarazne bolesti i opasne zarazne bolesti.

Lista bolesti koje podliježu obavezi prijavljivanja odštampana je uz ovaj pravilnik i čini njegov sastavni dio.

Značenje izraza

Član 3

Pojedini izrazi upotrijebljeni u ovom pravilniku imaju sljedeće značenje:

- 1) **gazdinstvo** je objekat ili prostor u kojem se uzgajaju ili drže životinje;
- 2) **infekcija** (infection) je prisustvo patogenog agensa u domaćinu;
- 3) **bolest** (disease) je klinička i/ili patološka manifestacija infekcije;
- 4) **pojava bolesti, slučaj** (case) je službeno potvrđena bolest, kod bilo koje životinje ili leša životinje;
- 5) **žarište ili izbijanje bolesti** (outbreak) je gazdinstvo ili mjesto u zemlji gdje se životinje drže zajedno i gdje je jedan ili više slučajeva bolesti službeno potvrđen;
- 6) **potvrda bolesti** je potvrda pojave bolesti na osnovu rezultata kliničkog pregleda, propisane laboratorijske metode ili rezultata epidemioloških istraživanja;
- 7) **službena potvrda bolesti** je potvrda bolesti od strane nadležnoga organa;
- 8) **primarno žarište ili primarno izbijanje bolesti** je izbijanje bolesti, koje nije epizootiološki povezano s prethodnim izbijanjem te bolesti na drugom gazdinstvu istog epizootiološkog područja ili prvo izbijanje bolesti na gazdinstvu drugog epizootiološkog područja;
- 9) **sekundarno žarište ili sekundarno izbijanje bolesti** je izbijanje bolesti na gazdinstvu na kojem je ta bolest već potvrđena ili koje je epizootiološki povezano s prethodnim izbijanjem te bolesti na istom epizootiološkom području;
- 10) **sumnja na zaraznu bolest** je kada se među životinjama istog gazdinstva, obora, stada, jata ili pčelinjaka pojave uzastopno dva ili više slučajeva oboljenja sa istim ili sličnim znacima ili kada nastupi naglo uginuće životinja bez vidljivog uzroka;
- 11) **novonastala bolest** (emerging disease) je nova infekcija nastala kao rezultat evolucije ili promjene postojećeg patogenog agensa; poznata infekcija koja se širi na nova geografska područja ili populaciju; ili prethodno neprepoznati patogeni agens ili bolest dijagnostikovana prvi put i koja ima značajni uticaj na zdravlje životinja i na javno zdravlje.
- 12) **OIE lista bolesti** (OIE disease list) je lista prenosivih bolesti dogovorena na OIE Internacionalnom Komitetu i propisana odredbama OIE-a;
- 13) **bolest koja podliježe obavezi prijavljivanja** (notifiable disease) je bolest sa liste koju je utvrdilo ministarstvo nadležno za poslove

veterinarstva i koja čim se otkrije ili postavi sumnja, mora biti prijavljena organu uprave nadležnom za poslove veterinarstva (u daljem tekstu: nadležni organ), u skladu sa zakonom;

14) **obavješćavanje** (notification) je postupak kojim nadležni organ informiše Centralu OIE-a ili Centrala OIE-a informiše nadležni organ, o pojavi izbijanja bolesti ili infekcije, u skladu sa odredbama OIE-a;

15) **Centrala OIE-a** je Stalni Sekretarijat Svjetske Organizacije za zdravlje životinja čije je sjedište u Parizu.

Prijava i odjava zaraznih bolesti životinja

Prijava sumnje primarnog i sekundarnog izbijanja zarazne bolesti

Član 4

Ako se pojavi zarazna bolest ili znakovi na osnovu kojih se sumnja da je životinja oboljela ili uginula od zarazne bolesti, vlasnik životinje bez odlaganja mora obavijestiti najbližu veterinarsku ambulantu, odnosno veterinara ili veterinarskog inspektora.

Ako veterinar postavi sumnju na primarno ili sekundarno izbijanje bolesti sa Liste bolesti koje podliježu obavezi prijavljivanja pod rednim br.: 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 19, 20, 21, 25, 30, 37, 38, 54, 56, 57, 58, 59, 64, 66, 71, 86, 88, 89, 92, 94, 95, 149 i 150 dužan je da bez odlaganja, a najkasnije u roku od 24 sata (telefonom, telefaksom ili elektronskim putem) prijavi nadležnom veterinarskom inspektoru, koji bez odlaganja, a najkasnije u roku od 24 sata, obavještava nadležni organ (telefonom, telefaksom ili elektronskim putem).

Prijava sumnje na zaraznu bolest iz stava 2 ovog člana, vrši se na Obrascu „PS" koji je odštampan uz ovaj pravilnik i čini njegov sastavni dio.

Prijava potvrđenog slučaja zarazne bolesti

Član 5

Veterinar mora prijaviti nadležnom veterinarskom inspektoru potvrđeni slučaj svake bolesti iz Liste bolesti koje podliježu obavezi prijavljivanja bez odlaganja, a najkasnije u roku od 24 sata (telefonom, telefaksom ili elektronskim putem i u pisanoj formi).

Prijava potvrđenog slučaja zarazne bolesti iz stava 1 ovog člana vrši se na Obrascu "PB" koji je odštampan uz ovaj pravilnik i čini njegov sastavni dio.

Veterinarski inspektor mora obavijestiti nadležni organ o potvrđenom slučaju bolesti iz člana 4 stav 2 ovog pravilnika bez odlaganja, a najkasnije u roku 24 sata (telefonom, telefaksom ili elektronskim putem i u pisanoj formi).

Izveštaj o pojavi bolesti iz stava 1 ovoga člana, nadležni veterinarski inspektor dostavlja nadležnom organu mjesečno do 15. u mjesecu, za protekli mjesec.

Prijava zoonoza

Član 6

Ukoliko se posumnja ili potvrdi pojava zoonoza sa Liste bolesti koje podliježu obavezi prijavljivanja pod rednim br.: 3, 16, 17, 19, 20, 23, 26, 30, 31, 32, 36, 37, 38, 64, 67, 71, 115, 116, 119, 140, 146, 147, 148, 149, 150, 153, 154 i 155, prijavljivanje se vrši na način utvrđen čl. 4 i 5 ovog pravilnika.

O sumnji ili potvrđenoj pojavi zoonoze nadležni veterinarski inspektor mora obavijestiti i nadležnu zdravstvenu službu.

Rezultati dijagnostičkih ispitivanja

Član 7

Kada se na osnovu rezultata dijagnostičkih ispitivanja potvrdi prisustvo zarazne bolesti, ovlašćena laboratorija koja je vršila dijagnostičko ispitivanje, dužna je da o potvrdi prisustva zarazne bolesti, odmah, bez odlaganja (telefonom, telefaksom ili elektronskim putem i u pisanoj formi) obavijesti nadležni organ i nadležnog veterinarskog inspektora.

Član 8

Ovlašćena laboratorija o rezultatima izvršenih dijagnostičkih ispitivanja zaraznih bolesti navedenih u Listi zaraznih bolesti životinja koje podliježu obavezi prijavljivanja obavještava nadležni organ najkasnije do 15. u mjesecu za prethodni mjesec.

Obavezno međunarodno obavješćavanje

Član 9

U slučaju pojave bolesti sa liste OIE obavezno se obavještava Centrala OIE-a telegramom, telefaksom ili elektronski putem, u roku od 24 sata u slučajevima:

1. prvog pojavljivanja bolesti i/ili infekcije sa OIE liste bolesti u zemlji, zoni ili oblasti;
2. ponovnog pojavljivanja bolesti ili infekcije sa OIE liste bolesti u zemlji, zoni ili oblasti, nakon izvještaja kojim je izbijanje bolesti bilo proglašeno završenim;
3. prvog pojavljivanja nove vrste (soja) patogena bolesti sa OIE liste u zemlji, zoni ili oblasti;
4. iznenadnog i neočekivanog uvećanja distribucije, pojavljivanja, morbiditeta ili mortaliteta bolesti sa OIE liste u zemlji, zoni ili oblasti;
5. novonastalih bolesti sa značajnim morbiditetom ili mortalitetom ili zoonoznim potencijalom;
6. primjetnih promjena u epidemiologiji bolesti OIE liste (uključujući vrstu domaćina, patogenost, soj) posebno u slučaju zoonoznog uticaja.

Centrala OIE-a obavezno se nedjeljno obavještava (telegramom, telefaksom ili elektronskim putem) o razvoju (evoluciji) slučajeva navedenih u stavu 1 ovog člana.

Obavještavanje iz stava 2 ovog člana obavezno je sve dok bolest ne bude iskorijenjena ili ne postane endemična tako da šestomjesečno izvještavanje iz stava 4 ovog člana ispuni obavezu zemlje prema OIE-u, uz obavezno finalno izvještavanje o svakom slučaju.

Centrala OIE-a obavezno se šestomjesečno obavještava o odsustvu ili prisustvu i evoluciji bolesti OIE liste, kao i o informacijama vezanim za epidemiološki značaj za druge zemlje.

Centrale OIE-a obavezno se godišnje obavještava i o drugim informacijama od značaja za druge zemlje.

Nadležni veterinarski organi susjednih zemalja obavezno se obavještavaju telefaksom u roku od 24 sata u slučajevima:

1. primarnog žarišta ili primarnog izbijanja bilo koje bolesti navedene u članu 4 stav 2 ovoga pravilnika, koje je potvrđeno na teritoriji zemlje;
2. ukidanja svih mjera zabrane nakon eradikacije posljednjeg izbijanja bolesti, koje su bile naređene u vezi sa izbijanjem bolesti iz člana 4 stav 2 ovoga pravilnika.

Nadležni veterinarski organi susjednih država, obavezno se obavještavaju svakog prvog radnog dana u nedjelji o pojavi sekundarnih izbijanja bilo koje bolesti iz stava 1 ovog člana, koja se pojave u zemlji.

Obavještavanje iz st. 1, 2, 3, 4, 5, 6 i 7 ovog člana vrši nadležni organ.

Obavještavanje iz stava 8 ovog člana dostavlja se na engleskom ili francuskom jeziku i sadrži podatke iz obrasca "PB" iz člana 5 stav 2 ovog pravilnika, u skladu sa preporukama OIE-a.

Odjava zarazne bolesti

Član 10

Zarazna bolest je prestala kad od ozdravljenja, uginuća ili ubijanja posljednje oboljele životinje i poslije izvršene završne dezinfekcije protekne najduži inkubacioni period za tu zaraznu bolest, osim u slučajevima kada je stručnim veterinarskim standardima drukčije određeno.

Veterinarski inspektor odjavljuje zaraznu bolest nadležnom organu (telefaksom ili elektronskim putem i u pisanoj formi) na Obrascu „OB" koji je odštampan uz ovaj pravilnik i čini njegov sastavni dio.

Odjavom zarazne bolesti nadležni veterinarski inspektor potvrđuje da su nakon iskorjenjivanja posljednjeg slučaja, ukinute mjere zabrane koje su bile uvedene u vezi sa pojavom zarazne bolesti.

Član 11

Obrasce iz čl. 4, 5 i 10 štampa i distribuira nadležni organ.

Član 12

Ovaj pravilnik stupa na snagu osmog dana od dana objavljivanja u "Službenom listu Crne Gore".

Broj: 323/070601-8055/6

Podgorica, 14. januar 2008. godine

Ministarstvo poljoprivrede, šumarstva i vodoprivrede

Ministar,

mr **Milutin Simović**, s.r.

LISTA BOLESTI KOJE PODLIJEŽU OBAVEZI PRIJAVLJIVANJA

NAROČITO OPASNE ZARAZNE BOLESTI

Red. broj	Naziv bolesti	Naziv bolesti (engleski)	Obavezno prijavljivane sumnje na bolest	Obavezno prijavljivanje potvrđenog slučaja bolesti	Bolest OIE liste
1	Bolest plavog jezika	Bluetongue	+	+	+
2	Slinavka i šap	Foot and mouth disease	+	+	+
3	Groznic a doline Rifta	Rift valley fever	+	+	+
4	Kuga goveda	Rinderpest (cattle plague)	+	+	+
5	Vezikularni stomatitis	Vesicular stomatitis	+	+	+
6	Zarazna pleuropneumonija goveda	Contagious bovine pleuropneumonia	+	+	+
7	Bolest kvrgave kože	Lumpy skin disease	+	+	+
8	Kuga malih preživara	Peste des petits ruminants	+	+	+
9	Boginje ovaca i koza	Sheep pox and goat pox	+	+	+
10	Kuga konja	African horse sickness	+	+	+
11	Afrička kuga svinja	African swine fever	+	+	+
12	Klasična kuga svinja	Classical swine fever	+	+	+
13	Vezikularna bolest svinja	Swine vesicular disease	+	+	+
14	Visoko patogena avijarna influenza ptica i niskopatogena avijarna influenza živine	Highly pathogenic avian influenza and low pathogenic avian influenza in poultry	+	+	+
15	Atipična kuga živine, Newcastle bolest	Newcastle disease	+	+	+
16	Bjesnilo	Rabies	+	+	+
OPASNE BOLESTI					
Red. broj	Naziv bolesti	Naziv bolesti (engleski)	Obavezno prijavljivane sumnje na bolest	Obavezno prijavljivanje potvrđenog slučaja bolesti	Bolest OIE liste
BOLESTI VIŠE VRSTA ŽIVOTINJA					
17	Bedrenica	Anthrax	+	+	+
18	Aujeszkijeva bolest	Aujeszký's disease	-	+	+
19	Bruceloza goveda (<i>Brucella abortus</i>)	Bovine brucellosis (<i>Brucella abortus</i>)	+	+	+
20	Bruceloza ovaca i koza - meliotokokoz a (<i>Brucella melitensis</i>)	Caprine and ovine brucellosis (<i>Brucella melitensis</i>)	+	+	+
21	Bruceloza svinja (<i>Brucella suis</i>)	Porcine brucellosis (<i>Brucella suis</i>)	+	+	+
22	Krimska Kongo hemoragična groznica	Crimean Congo haemorrhagic fever	-	+	+
23	Ehinokokoza (<i>hidatidoza</i>)	Echinococcosis/hydatidosis	-	+	+
24	Vodenasto srce	Heartwater	-	+	+
25	Japanski encefalitis	Japanese encephalitis	+	+	+
26	Leptospiroza	Leptospirosis	-	+	+
27	Mijaza - <i>Cochliomya hominivorax</i>	New World screwworm (<i>Cochliomya hominivorax</i>)	-	+	+

28	Mijaza - <i>Chrysomya</i>	Old World screwworm (<i>Chrysomya bezziana</i>)	-	+	+
29	Paratuberkuloza	Paratuberculosis	-	+	+
30	Q-groznica	Q fever	+	+	+
31	Trihineloz	Trichinellosis	-	+	+
32	Tularemija	Tularemia	-	+	+
33	West Nile groznica	West Nile fever	-	+	+
BOLESTI GOVEDA					
34	Anaplazmoza	Bovine anaplasmosis	-	+	+
35	Babezioza goveda	Bovine babesiosis	-	+	+
36	Genitalna kampilobakterioza goveda	Bovine genital campylobacteriosis	-	+	+
37	Spongiformna encefalopatija goveda - BSE	Bovine spongiform encephalopathy	+	+	+
38	Tuberkuloza goveda (<i>Mycobacterium bovis</i>)	Bovine tuberculosis (<i>Mycobacterium bovis</i>)	+	+	+
39	Enzootska leukoza goveda	Enzootic bovine leukosis	-	+	+
40	Hemoragična septikemija goveda	Bovine haemorrhagic septicaemia	-	+	+
41	Infektivni rinotraheitis goveda / infektivni pustolozni vulvovaginitis	Infectious bovine rhinotracheitis / infectious pustular vulvovaginitis	-	+	+
42	Maligna kataralna groznica	Malignant catarrhal fever (Wildebeest only)	-	+	+
43	Tajlerioza	Theileriosis	-	+	+
44	Trihomonijaza	Trichomonosis	-	+	+
45	Trypanosomijaza	Trypanosomiasis (tsetse - transmitted)	-	+	+
BOLESTI OVACA I KOZA					
46	Artritis i encefalitis koza	Caprine arthritis/encephalitis	-	+	+
47	Zarazna agalakcija koza i ovaca	Contagious agalactia	-	+	+
48	Zarazna pleuropneumonija koza	Contagious caprine pleuropneumonia	-	+	+
49	Enzootski pobačaj ovaca	Enzootic abortion of ewes (<i>ovine chlamydiosis</i>)	-	+	+
50	Maedi-visna bolest	Maedi-visna	-	+	+
51	Najrobi bolest ovaca	Najrobi sheep disease	-	+	+
52	Infekcija sa <i>Brucella ovis</i>	Ovine epididymitis (<i>Brucella ovis</i>)	-	+	+
53	Salmoneloza (<i>S. abortusovis</i>)	Salmonellosis (<i>S. abortusovis</i>)	-	+	+
54	Skrepi	Scrapie	+	+	+
BOLESTI KOPITARA					
55	Kontagiozni metritis kobila	Contagious equine metritis	-	+	+
56	Polna zaraza konja, Durina	Dourine	+	+	+
57	Američki encefalomijelitis konja (istočni)	Equine encephalomyelitis (Eastern)	+	+	+
58	Američki encefalomijelitis konja (zapadni)	Equine encephalomyelitis (Western)	+	+	+
59	Infektivna anemija konja	Equine infectious anaemia	+	+	+

60	Influenca konja	Equine influenza	-	+	+
61	Piroplazmoza konja	Equine piroplasmosis	-	+	+
62	Virusni rinopneumonitis konja	Equine rhinopneumonitis	-	+	+
63	Arteritis konja	Equine viral arteritis	-	+	+
64	Maleus, Sakagija	Glanders	+	+	+
65	Tripanozomijaza, Sura	Surra (<i>Trypanosoma evansi</i>)	-	+	+
66	Venecuelski encefalitis konja	Venezuelan equine encephalomyelitis	+	+	+
BOLESTI SVINJA					
67	Cisticerkoza svinja	Porcine cysticercosis	-	+	+
68		Nipah virus encephalitis		+	+
69	Reproduktivni i respiratorni sindrom svinja	Porcine reproductive and respiratory syndrome	-	+	+
70	Transmisivni gastroenteritis svinja	Transmissible gastroenteritis	-	+	+
BOLESTI PTICA					
71	Hlamidioza ptica, Psitakoza	Avian chlamydiosis	+	+	+
72	Zarazni bronhitis živine	Avian infectious bronchitis	-	+	+
73	Zarazni laringotraheitis	Avian infectious laryngotracheitis	-	+	+
74	Mikoplazmoza (<i>M. gallisepticum</i>)	Avian mycoplasmosis (<i>M. gallisepticum</i>)	-	+	+
75	Mikoplazmoza (<i>M. synoviae</i>)	Avian mycoplasmosis (<i>M. synoviae</i>)	-	+	+
76	Virusni hepatitis pataka	Duck virus hepatitis	-	+	+
77	Kolera živine	Fowl cholera	-	+	+
78	Tifus živine (<i>Salmonella gallinarum</i>)	Fowl typhois / Typhus avium	-	+	+
79	Infektivni burzitis živine (Gumboro bolešt)	Infectious bursal disease (Gumboro disease)	-	+	+
80	Marekova bolešt	Marek's disease	-	+	+
81	Salmoneloza - puloroza živine	Pullorum disease (<i>Salmonella pullorum</i>)	-	+	+
82	Rinotraheitis ćuraka	Turkey rhinotracheitis	-	+	+
BOLESTI KUNIĆA I ZEĆEVA					
83	Miksomatoza	Myxomatosis	-	+	+
84	Hemoragijska bolešt kunića	Rabbit haemorrhagic disease	-	+	+
BOLESTI PĆELA					
85	Akaroza pćela	Acarapisoosis of honey bees	-	-	+
86	Amerićka kuga pćelinjeg legla	American foulbrood of honey bees	+	+	+
87	Evropska kuga pćelinjeg legla	European foulbrood of honey bees	-	+	+
88	Etinioza (<i>kornjaš</i> , <i>Aethina tumida</i>)	Small hive beetle infestation (<i>Aethina tumida</i>)	+	+	+
89	Tropileloza (<i>grinja</i> , <i>Tropilaelaps clareae</i>)	Tropilaelaps infestation of honey bees (<i>Tropilaelaps spp.</i>)	+	+	+
90	Varooza	Varroosis of honey bees	-	+	+
BOLESTI RIBA					
91	Epizootska hematopoetska nekroza	Epizootic haematopoietic necrosis	-	+	+

92	Zarazna hematopoetska nekroza	Infectious haematopoietic necrosis	+	+	+
93	Prolječna viremija šarana	Spring viraemia of carp	-	+	+
94	Virusna hemoragična septikemija	Viral haemorrhagic septicaemia	+	+	+
95	Zarazna anemija lososa	Infectious salmon anaemia	+	+	+
96		Epizootic ulcerative syndrome	-	+	+
97	Girodaktiloza	Gyrodactylosis (<i>Gyrodactylus salaris</i>)	-	+	+
98	Crveni pagar	Red sea bream iridoviral disease	-	+	+
99		Koi herpesvirus disease	-	+	+
BOLESTI ŠKOLJKI					
100	Bonamioza školjki (<i>Bonamia ostreae</i>)	Infection with <i>Bonamia ostreae</i>	-	+	+
101	Bonamioza školjki (<i>Bonamia exitiosa</i>)	Infection with <i>Bonamia exitiosa</i>	-	+	+
102	Martelioza školjki	Martilosis (<i>Marteilia refringens</i> , <i>Marteilia sydneyi</i>)	-	+	+
103	Perkinsoza školjki (<i>Perkinsus marinus</i>)	Infection with <i>Perkinsus marinus</i>	-	+	+
104	Perkonsoza školjki (<i>Perkinsus olseni</i>)	Infection with <i>Perkinsus olseni</i>	-	+	+
105		Infection with <i>Heriohaliotis californiensis</i>	-	+	+
106		Abalone viral mortality	-	+	+
BOLESTI RAKOVA					
107	Tarski sindrom rakova	Taura syndrome	-	+	+
108	Bolest bijelih pjega	White spot disease	-	+	+
109	Bolesti žute glave rakova	Yellowhead disease	-	+	+
110		Tetrahedral baculovirus (<i>Baculovirus penaei</i>)	-	+	+
111		Spherical baculovirus (<i>Penaeus monodon</i> -type (baculovirus))	-	+	+
112		Infectious hypodermal and haemopoietic necrosis	-	+	+
113	Kuga rakova	Crayfish plague (<i>Aphanomyces astaci</i>)	-	+	+
DRUGE BOLESTI ŽIVOTINJA					
114	Boginje kamila	Camelpox	-	+	+
115	Lajšmanioza	Leishmaniosis	-	+	+
116	Toksoplazmoza	Toxoplasmosis	-	+	-
117	Melioidoza	Melioidosis	-	+	-
118	Šuštavac	Blackleg	-	+	-
119	Botulizam	Botulism	-	+	-
120	Druge klostridijske infekcije	Other clostridial infections	-	+	-
121	Druge pastereleze	Other pasteurelloses	-	+	-
122	Aktinomikoza	Actinomycosis	-	+	-
123	Crijevne infekcije salmonelama	Intestinal Salmonella infections	-	+	-

124	Kokcidioza	Coccidiosis	-	+	-
125	Fascioloza	Distomatosis (Liverfluke)	-	+	-
126	Filarioza	Filariosis	-	+	-
127	Bolest virusnog proliva / bolest sluzokože goveda	Bovine viral diarrhoea (BVD)	-	+	-
128	Dizenterija svinja	Swine dysentery - Vibrionic dysentery	-	+	-
129	Zarazni ektim ovaca	Contagious pustular dermatitis	-	+	-
130	Zarazna šepavost ovaca	Infectious footrot in sheep	-	+	-
131	Zarazna oftalmija koza i ovaca	Contagous ophthalmia of goats and sheep	-	+	-
132	Enterotoksemija ovaca / dizenterija jagnjadi	Enterotoxaemia	-	+	-
133	Kazeozni limfadenitis koza i ovaca	Caseous lymphadenitis of goats and sheep	-	+	-
134	Šuga	Sheep mange	-	+	-
135	Diktiokauloza	Lungworm infestation of sheep and goats	-	+	-
136	Polni osip konja	Equine coital exanthema	-	+	-
137	Ulcerativni limfangitis konja i goveda	Ulcerative lymphangitis of horses and cattle	-	+	-
138	Ždrebećak	Strangles	-	+	-
139	Salmoneloza (<i>S. abortusenqui</i>)	Salmonellosis (<i>S. abortusenqui</i>)	-	+	-
140	Crveni vjetar / vrbanac svinja	Swine erysipelas	-	+	-
141	Zarazna korica živine	Infectious coryza of chicken	-	+	-
142	Avijarni encefalomijelitis	Avian encephalomyelitis	-	+	-
143	Spirohezoza ptica	Avian spirochetosis	-	+	-
144	Salmoneloza ptica	Avian salmonellosis	-	+	-
145	Leukoza živine	Avian leukosis complex	-	+	-
146	Bruceloza	Brucellosis	-	+	-
147	Salmoneloza	Salmonellosis	-	+	-
148	Listerioza	Listeriosis	-	+	-
149	Ebola	Ebola Non-human primates	+	+	-
150	Boginje majmuna	Monkey pox (kod <i>Rodentiai</i> non- human primates)	+	+	-
151	Enzootski mastitis goveda	Bovine enzootic mastitis	-	+	-
152	Hipodermoza goveda	Bovine hypodermosis	-	+	-
153	Trihofiloza goveda	Bovine trichophylosis	-	+	-
154	Cisticerkoza goveda	Bovine cysticercosis	-	+	-
155	Salmoneloza - infekcija (<i>S. enteritidis</i> i <i>S. typhymurium</i>)	<i>Salmonella enteritidis</i> and <i>Salmonella typhymurium</i> infection	-	+	-

Obrazac "PS"

OBRAZAC ZA PRIJAVU SUMNJE NA ZARAZNU BOLEST

Datum postavljanja sumnje na zaraznu bolest: _____
Ime i prezime pošiljaoca prijave - veterinara: _____
Telefon: _____; Telefax: _____; e-mail: _____

Sumnja je postavljena na _____
području: (naziv ovlaštene veterinarske ambulante)

Naziv bolesti na koju se sumnja: _____

Utvrđeni simptomi: _____

Gazdinstvo na kojem je postavljena sumnja - vlasnik: _____
Adresa: _____; Mjesto: _____
Opština: _____; Kontakt telefon: _____

Podaci o životinjama na gazdinstvu:

	Ukupan broj na gazdinstvu	Ukupan broj sumnjivih (pokazuju simptome bolesti)
Goveda		
Svinje		
Ovce		
Koze		
Konji		
Živina (kokoške)		
Živina (ćurke)		
Živina (guske, patke)		
Živina (fazani)		
Druge životinje		

Uzorak uzet od strane ovlaštenog veterinara i dostavljen laboratoriji: Da / Ne

Vrsta uzorka, uzetog od strane ovlaštenog veterinara i dostavljenog na analizu: _____

Napomena: _____

Datum prijave sumnje: _____ M.P. _____
potpis veterinara koji prijavljuje sumnju

Obrazac "PB"

OBRAZAC ZA PRIJAVU POTVRĐENOG SLUČAJA ZARAZNE BOLESTI

Datum prijave zarazne bolesti:

Ime i prezime pošiljaoca prijave - veterinara:

Telefon: Telefax: e-mail:

Bolest se pojavila na području: (naziv ovlaštene veterinarske ambulante)

Naziv bolesti:

Uzročnik bolesti:

Gazdinstvo na kojem se pojavila bolest - vlasnik:

Adresa: ; Mjesto:

Opština: ; Kontakt telefon:

Izvor zaraze:

(a) zajednički izvor zaraze (dva ili više slučajeva povezani sa istim izvorom zaraze, npr. voda, hrana): Da / Ne

Izvor zaraze ako je poznat:

(b) više izvora zaraze (izlaganje različitim izvorima zaraze, kontinuirano, kroz duže vrijeme): Da / Ne

Izvori zaraze ako su poznati:

(c) propagirana zaraza (širi se sa životinje na životinju): Da / Ne

(d) prolongirana zaraza (traje kroz duže vrijeme): Da / Ne

Druga naselja/opštine u kojima se sprovode mjere suzbijanja i iskorjenjivanja predmetne zarazne bolesti:

Datum postavljanja sumnje na bolest (dan/mjesec/god.):

Datum otkrivanja prve pojave bolesti (dan/mjesec/god.):

Datum potvrde pojave bolesti (dan/mjesec/god.):

Procjena vremena kada je prva životinja bila zaražena:

Porijeklo/izvor bolesti

Sprovedene mjere kontrole (suzbijanja i iskorjenjivanja), npr.: kontrola artropoda, kontrola divljih životinja rezervoara bolesti, monitoring, preventivne mjere kontrole na granici, kontrola prometa životinja u zemlji, iskorjenjivanje (ubijanje bolesnih i na bolest sumnjivih engl. stamping out), klanje, nadzor, serološko ispitivanje, vakcinacija, vakcinacija zabranjena, zoniranje (sprovođenje mjera na određenom području sa poznatim zdravstvenim stanjem životinja) - navesti:

Podaci o životinjama na gazdinstvu:

Naziv ribnjaka: _____

Odobreni broj objekta za uzgoj riba: _____

Opis objekta za uzgajanje riba: (*način proizvodnje, kapacitet, vrste i kategorije ribe*):

Obrazac "OB"

OBRAZAC ZA ODJAVU ZARAZNE BOLESTI

Ime i prezime pošiljaoca odjave - vet. inspektora:

Telefon: _____ Telefax: _____ e-mail: _____

Adresa: _____ Mjesto: _____

Opština: _____ Kontakt telefon: _____

Gazdinstvo se nalazi na području:

(naziv ovlaštene veterinarske ambulante)

Naziv bolesti koja se odjavljuje:

Datum prve potvrde slučaja bolesti koja se odjavljuje:

Napomena:

Datum odjave zarazne bolesti: _____

M.P. _____
potpis veterinara koji odjavljuje zaraznu bolest